

**Kommuneqarfik Sermersuumi  
anartarfilerinermut**

**MALITTARISASSAQ**

**SIULEQUT**

Kommuneqarfik Sermersuumi sumiiffinni pilersaarusiortifigineqartuni illoqarfiup nunaqarfiullu killeqarfiisa iluni anartarfilerisarnerup suliarineqarnissaannik peerneqarnissaannillu aalajangersakkat malittarisassami uani aalajangerneqarput.

**Atuuffia**

Malittarisassaq Ivittuunut aamma Kangilinnguanut atuutinngilaq. Ivittuuni Kangilinnguanilu igitalerineq eqqakkanillu peersisarneq Kalaallit Nunaanni sakkutooqarfiup Grønlands Kommandop aamma Ivittuut Kommuniata akornanni protokollit/suleqatigiinnissamik isumaqatigiissuteqarnikkut iluarsineqarpoq.

**Siunertaq**

Anartarfiit peerneqarnerini annertuumik eqqiluisaarnikkut pisarnissaata qulakkeerneqarnissaa malittarisassami siunertaavoq.

Anartarfiup iginneqartarnerat sapinngisamik kuuffinnut aqqutikkut pisassaaq. Tamanna pisinnaangippat anartarfiit eqqiluisaarnikkut isumannaatsumik peerneqartassapput.

**Erseqqissaaneq**

Anartarfilerinermi pineqarput annat perusuersarnermullu tunngatillugu imikoorut qanorluunniit ittuni anartarfinneersut.

**Anartarfilerineq**

Illumik piginnittut tamarmik kuuffinnut aqquserneqarsimanngitsut anartarfeqassapput imaluunniit tankimik katersiffeqassallutik.

Tamatumunnga peqatigitillugu illut anartarfillit tamarmik aqquserneqarnissaminnut periarfissaqanngitsut kommunip anartarfinnik katersisarneranut ilanngussimassapput. Taamaattoqartillugu illumik piginnittup anartarfimmut akornuteqanngitsumik aqquteqarnissaa imaluunniit ullormi aallerfissami nal. 7.00 tikitsinnagu puup qilersimasup (spandiluunniit) inissinnissaa isumagisassaraa.

**Akiliutit**

Illumik piginnittut attartortullu kommunip aqqissuussineranut ilaasut aqqissuussinermut akiliummik akiliggassanngortinneqartartumik akiliisassapput.

**1. Siunertaq**

Kommuneqarfik Sermersuumi illunit atukkanit inuutissarsiortuniillu anartarfiit eqqiluisaarluinnarnikkut aammalu avatangiisinut illersuineranut paasinnilluartumik nammaneqarsinnaasumillu tunngavilimmik peerneqartarnissaasa qulakkeernissaat malittarisassap siunertarai.

Malittarisassami kommunimi innuttaasunut, illunik piginnittut suliffeqarfiillu pisussaaffii pisinnaasaallu aalajangersarneqarput.

**2. Inatsisitigut tunngavik**

Malittarisassaq una makku naapertorlugit sananeqarpoq:

- Avatangiisit illersorneqarnissaat pillugu Inatsisartut peqqussutaat nr. 12, 22. december 1988-imeersoq
- Avatangiisit illersorneqarnissaat pillugu Inatsisartut peqqussutaata nr. 12, 22. december 1988-imeersup allanngortinneqarnera pillugu Inatsisartut peqqussutaat nr. 7, 13. maj 1993-imeersoq
- Anartarfiit aammalu annat peqqinnissamullu tunngatillugu imikoorutip maangaannartup peernissaat pillugu Namminersorerullutik Oqartussat nalunaarutaat nr. 27, 17. september 1993-imeersoq

**3. Atuuffissaa**

3.1 Malittarisassaq una Kommuneqarfik Sermersuumi sumiiffinnilu kommunip pilersaaruseriorfigisimasaani illoqarfiit nunaqarfiillu killeqarfiisa iluini atuuppoq.

3.2 Malittarisassami uani pineqarput ineqarfiusut tamarmik, suliffeqarfiit, peqatigiiffiit sammisassaqartit-sinermilu aaqjissuisut inunnik katersuutititsigallartut aammalu nunaminertat illuliorfigineqarsimanngitsut annertunerusunik sammisartaqartitsiviusinnaasut.

3.3 Malittarisassami pineqarput anartarfilerineq.

Anartarfilerinerneq pineqarput anartarfinit suogaluartuniilluunniit annat peqqinnissamullu tunngatillugu imikoorut.

**4. Illumik piginnittup pisussaaffii**

**Atuinissamut pisussaaffik**

4.1 Illumik piginnittut, kussiukkanut aqquuserneqarsimanngitsut, anartarfimmik siparnilertakkamik kommunimit akuerineqarsimasumik nammineq akilikkaminnik pissarsissapput eqqiluutsitsillutillu, soorlu ass. GTO-mit pigineqartoq imaluunniit tankimik katersiffiusumik kommunimit akuerineqarsimasumik.

4.2 Illumik piginnittut kuuffinnut aqquuserneqarnissaminnut periarfissaqanngitsut imm. 6-imi allaaserineeqartutuut kommunip anartarfilerisarneranut imaluunniit imm. 7-imi aalajangersakkat malillugit tankit katersiffiusut imaarneqartarnissaannut ilanngussimassapput.

**Immikkoortiterinissamut pisussaaneq**

4.3 Anartarfinnut puunut anartarfilerinermut tunngassuteqanngitsut iginneqartassanngillat.

**Anartarfiit iginneqartarneri**

4.4 Anartarfiup iginneqartarnerat sapinngisamik kuuffinnut aqutikkut pisassaaq. Anartarfinnut imaarsiviit suulluunniit kommunimit akuerineqarsimasuussapput.

**5. Kuuffinnut aqquuserneqarnissaq**

5.1 Kuuffinnut aqquuserneqarnissaq malittarisasiat malittarisassallu atuuttut naapertorlugit aammalu ineqarfimmik piginnittup akiligaanik aqqusiineq pisassaaq.

5.2 Kuuffinnut aqqusiineq naammassippat ineqarfiusumik pineqartumik piginnittup aqqusiinerup isuman-naatsuunera qulakkiissavaa. Aserfallatsaaliuinerit pisariaqartut nammineq akiliinikkut pisassapput.

5.3 Aqquqtip aserfallatsaaliornera piginnittup qulakkiinngippagu, taamaalilluni sumiiffimmi

mingutsitsineqarsinnaammat, siumut peqqussuteqareernikkut kommunalbestyrelsip piginnittup akiligaanik suliaritissinnaavaa.

5.4 Sumiiffimmi kuuffinnut attavilersinnissamut malittarisassat, takuuk llanngussaq 1.

## **6. Anartarfilerisarnerup aqqissuunneqarnera**

6.1 Anartarfinni annanik katersiffissatut taamaallaat kommunip puut tunniussai atorneqassapput. Taamaallaat anartarfiit Kommuneqarfik Sermersuumit akuerineqarsimasut atorneqarsinnaapput.

6.2 Illumik piginnittoq inissiiviup pitsaasuutinnissaanut eqqiluitsinnissaanullu aammalu aputaajaanissaq / siorarerinissaq pisariaqartoq isumagissallugu pisussaavoq. Anartarfinnut atatillugu eqqiluusaannginneqalissagaluarpat kommunip illumik piginnittoq imaluunniit attartortoq puumik matup silataanut inissiinissaanik piumaffigisinnaavaa.

6.3 Illumik piginnittup anartarfiit eqqaavilerisumit tikinneqarsinnaanissaata isumaginissaanut pisussaavoq. Taanna atorneqassanngippat illumik piginnittup eqqaavilerisoq anartarfinni puut illup silataanut ersarisumut tikikkuminartumullu inissinneqarnissaat pillugu isumaqatigiissuteqarfigissavaa. Pooq malutullu- arneqarsimallunilu qilerluarsimassaaq, ullormilu aallerfiusussami nal. 07.00 inissiivissatut isumaqatigiissuteqarfiusumut inissinneqarsimassalluni.

6.4 Anartarfimmut pooq inuit pisinnaat aqquataannut imaluunniit nunatamut tamanit atorneqartumut inissinneqarsimappat, illumik piginnittoq inummumut pingajuliuttumut akisussaavoq (saneqquttumut). Illumik piginnittup aallerfissap igitanik userartuiffiqineqarsimannginnissaanut pisussaavoq.

6.5 Imm. 4.2 malillugu illumik piginnittoq anartarfilerisarnermut aallertarnerit amerlassusaat pisariaqartut ilanngullugit ilanngunnissaminut, aammalu aallerfissat marluk akornanni puut ulikkaartoorsimannginnissaannut pisussaavoq.

Aallernermi puumi igitassaqaanngippat eqqaavilerisoq puumik nutaamik tunniussissanngilaq. Qulaani taaneqartut akiliutinik utertitsissutaasinnaanngillat.

6.6 Sumiiffinni puuni aallertarnermut malittarisassat, takuuk llanngussaq 2.

## **7. Tankit katersiffiit**

7.1 Peqqinnissamut tunngatillugu imermik maangaannartumik tankit katersiffiit ussissuussapput qerrusinnaassanatillu, kalerrisaaruteqassapput imaluunniit qanoq imaqartigilerneru allatut nalunaarutigineqarsinnaassalluni, taamatutaaq illuliormermut malittarisassianut avatangiisinullu tunngatillugu inatsisinut atuuttunut naapertuuttuussaallutik.

7.2 Nutaamik aqquusiinermi kuuffiup nuua slanngimik ikkussivissartalik mingunnik milluaasup slanngia annerpaamik 8 m-iusoq ajornanngitsumik ikkunneqarsinnaasunngortillugu inissisimassaaq. Illumik piginnittoq inissiiviup pitsaasuutinnissaanut eqqiluitsinnissaanullu aammalu aputaajaanissaq / siorarerinissaq pisariaqartoq isumagissallugu pisussaavoq. Taamatutaaq illumik piginnittup tankip katersiffiusup aamma akornuteqaanngitsumik imaarneqarsinnaanissaa qulakkiissavaa.

7.3 Maqitsineq nunamut userartuinentaqaanngitsumik ingerlanneqassaaq, aammalu ruujorit slanngillu imaarluinnaarneqassallutik. Illumik piginnittup kuuffiup nuuata inissiffigisaata anartarfilerinermut userartorneqaannginnissaa pisussaaffigaa.

7.4 Sumiiffinni katersiffinnik ikkussuinermut malittarisassat, takuuk llanngussaq 3.

## **Tankit katersiffiusut imaartarnissaat**

7.5 Tankinik katersiffiusunik imaarsisarneq ima akulikitsigisunik pisariaqarpoq, ulikkaartoornikkut nunamut kuussinajunnartillugit.

7.6 Sumiiffinni katersiffinnik ikkussuineranut malittarisassat, takuuk Ilangussaq 4.

## **8. Akiliut**

8.1 Aaqqiinermut aalajangersakkanut atatillugu aningaasartuutit matuneqarnissaannut akiliummik illumik piginnittut akiliinissaminut pisussaapput. Akiliutissat atuisumit illuutilimmit imaluunniit attartortumit eqqaavilerineranut ilangussimasumut akiligassanngortinneqartassapput.

8.2 Akiliutip annertussusissaa ukiumut ataasiarluni Kommunalbestyrelsimit aalajangerneqartassaaq, tassunga ilangullugit anartarfiit aammalu tankit katersiffiusut katersorneqartarnerannut akiliutit. Kommuneqarfik Sermersuumi, Sanarfinermut Avatangiisinullu Ingerlatsiviup akiliutip annertussusaa sumiiffimmi avisitigut nalunaarutigissavaa. Akit allassimaffiani Kommuneqarfik Sermersuumi Sanarfinermut Avatangiisinullu Ingerlatsivimmut saaffiginninnikkut piniarneqarsinnaasumi akit annertussusaat allassimassapput.

8.3 Atuisoq illumik piginnittoq attartorluunniit allamut nuunnermini anartarfilerisarneq taamaatitissavaa najugaqarfimmullu il.il. nutaamut nuunnermini anartarfilerisarneranut ilanguteqqissalluni.

Allamut nuunnermut atatillugu Sanarfinermut Avatangiisinullu Ingerlatsivik taamaatititsinermik tigusaqanngippat atuisoq eqqaavilerineranut akiliummik atuisup allap nalunaarnissaata tungaanut piffissaq pineqartoq imaluunniit Ingerlatsiviup eqqakkanut aaqqiissut taamaatitinnippagu, akiliinissaminut pisussaavoq.

8.4 Sumiiffinni akiliisarfissat akillu pillugit malittarisassat, takuuk Ilangussaq 5.

## **9. Nakkutilliineq**

9.1 Malittarisassami aalajangersakkat eqqutitinneqarnissaat Kommuneqarfik Sermersuup nakkutigisarissavaa.

9.2 Illumik piginnittoq ineqarfimmilluunniit piginnittoq kinaluunniit Kommuneqarfik Sermersuup nakkutilliisuisa ineqarfimmut isernissaannut akuersinissaminut pisussaavoq, tassunga ilangullugit anartarfiit tankillu katersiffiusut aammalu iginneqavinninnerini tankinit katersiffiusunit anartarfilerinerup suliarineqarnerisa takutinnissaat.

9.3 Malittarisassami uani aalajangersakkat akerlianik arlaannik paasinnittoqassappat, Kommuneqarfik Sermersuup piffissaliussap iluani pissutsit malittarisassanut naapertuutitilerlugit iluarsineqarnissaannut peqqussuteqarsinnaavoq.

9.4 Pissutsit piffissaliussap iluani iluarsineqanngippata, Kommuneqarfik Sermersuup akisussaaffilimmut akiligassanngorlugit iliuusissat suliaritissinnaavai.

## **10. Unioqquitsineq**

Malittarisassamik uannga unioqquitsineq Anartarfiit aammalu annat peqqinnissamullu tunngatillugu engup maangaannartup peernissaat pillugu Namminersornerullutik Oqartussat nalunaarutaanni nr. 27, 17. september 1993-imeersumi § 20 aammalu Inatsisartut peqqussutaanni nr. 12, 22. december 1988-imeersumi kingusinnerusukkut allannguutilimmi § 46 malillugu akiliitsinermik pillaatissiisogarsinnaavoq.

## **11. Naammagittaalliorneq**

11.1 Inatsisartut peqqussutaanni nr. 12, 22. december 1988-imeersumi kingornatigut allannguuteqartumi kapitali 10-mi malittarisassat naapertorlugit, malittarisassami aalajangersakkat malillugit aalajangi-ussat aammalu taakku naapertorlugit aalajangiunneqarsimasut naammagittaallitigineqarsinnaapput.

11.2 Kommunalbestyrelsip aalajangiussaanik naammagittaalliutaasinnaasut Kalaallit Nunaanni Namminersornerullutik Oqartussanut, Avatangiisinut Pinngortitamullu Aqutsisoqarfik, Postboks 1614, 3900 Nuuk, ingerlatinneqarsinnaapput. Tamatum kingorna Aqutsisoqarfiup naammagittaalliuut avata-

## Kommuneqarfik Sermersuumi anartarfilerinermut malittarisassaq

ngiisit illersorneqarnissaannut Inatsisartut naammagittaalliornermut ataatsimiititaliaanut ingerlateqqissavaa.

- 11.3 Ullormiit alajangerup nalunaarutigineqarneraniit naammagittaalliorneq sap. akunneri arfinillit qaangiutsinnagit pissaaq. Naammagittaalliut naammagittaalliornermut ataatsimiititap aalajangerinissaata tungaanut imaluunniit naammagittaalliornermut ataatsimiititap allamik aalajangiussaqaarnissaata tungaanut uninngatinneqassaaq.

### 12. Piginnaassuseqartitsineq

- 12.1 Kommuneqarfik Sermersumi kommunalbestyrelsip malittarisassamik uannga aalajangiussinermigut Sanarfinermut Avatangiisinullu Ataatsimiititalaq malittarisassami uani imm. 4, 5, 6 aamma 7-mi annertuallaanngitsunik allannguuteqartitsisinnaanerani aammalu malittarisassami ilanngussaq 1-5-imi allannguuteqartitsisnaanerani piginnaassuseqartilerpaa.
- 12.2 Aammattaq Kommuneqarfik Sermersuumi kommunalbestyrelsip Sanarfinermut Avatangiisinullu Ingerlatsivik malittarisassaq una malillugu aalajangiisarnissaanik piginnaassuseqartippaa.

### 13. Atuutilerana

- 13.1 Malittarisassap uuma atuutileranut peqatigitillugu Nuummi, Qeqertarsuatsiaani Kapisilinnilu anartarfilerinermut malittarisassaq maajimi 2007-imeersoq, Paamiut Kommuniani anartarfilerineq pillugu Malittarisassaq 2004-mi aprilimeersoq kiisalu Ammassallip Kommuniani imermut qasertumut anartarfilerinermullu Malittarisassaq 23. august 2004-meersoq atorunnaarsinneqarput.
- 13.2 Malittarisassaq atulersinneqarpoq ulloq 1. januar 2009.
- 13.3 Taamaalluni Kommuneqarfik Sermersuumi kommunalbestyrelsimit akuerineqarpoq ulloq 17. marsi 2009.

  
Asii Chemnitz Narup  
Borgmester

  
Niels Kreutzmann  
Administrerende Direktør

## ILANNGUSSAQ 1. Sumiiffinni kuuffissuarnut attavilersinnissamut malittarisassat

**A. Nuuk, Qeqertarsuatsiaat Kapisillilu**

Illu pisortat kuuffissuinut attavilerneqaraangat anartaajaanermik aqqissuussineq ukiut 1-2-k qaangiukkaangata unitsinneqartarpoq. Ingerlatsiviup illumik piginnittut anartaajaasernerup unitsinneqarnissaa pillugu ukioq ataaseq sioqqutsisumik ilisimatitsissuteqassaaq. Illu piffissap iluani kuuffissuarnut attavilerneqarsimanngippat illumik piginnittup kommunip innersuussinera malillugu nammineq anartarfimmik imaarsisassaaq.

**ILANNGUSSAQ 2. Anartarfiit puuinik aallartarnermut sumiiffimmi malittarisassat.**

### **A. Nuuk, Qeqertarsuatsiaat Kapisillilu**

Anartarfiit puuinik aallartarnek ulluinnarni nal. 07.00-ip aamma nal. 16.30-p akomanni pisarpoq. Ullut nalliuttut tulleriiginnartillugit nalliuttuni aamma aallertoqarsinnaavoq.

Minnerpaamik sapaatip akunneranut imaarsimerit marluupput.

### **B. Paamiut aamma Arsuk**

Illumik piginnittut/attartortut tamarmik anartarfimmik imaartakkamik pillit kommunip katersisarnermut aaqqissuussaaniq aalajangersakkanik atuissapput. Anartarfilerinermik aqutsineq ingerlatsinerlu Kommunimit aamma/imaluunniit sulisitaanit ingerlanneqarpoq.

Anartarfiup puuinik aallarnek ulluinnarni nal. 07.00-ip aamma nal. 16.00-ip akomanni pisarpoq, aallernissamulli piffissat allat Sanarfinermut Avatangiisinullu ingerlatsivimmit aalajangersarneqarsinnaapput akuerineqarlutillu.

Ullut nalliuttut tulleriiginnartillugit nalliuttuni aamma aallertoqarsinnaavoq.

Anartarfiit puui sapaatip akunneranut marloriarlugit aaneqartarput, akuttussusiili Sanarfinermut Avatangiisinullu ingerlatsivimmit aalajangersarneqarlutillu akuerineqassapput. Illumik piginnittut/attartortut ingerlatsivimmik/sullissisumik isumaqatigiissuteqarnermik pisariaqartitsineq malillugu saniatigut imaarneqarsinnaapput saniatigullu puunik tunineqarsinnaallutik. Puut saniatigut pineqartut ulikkaaqqasut anartarfimmiitinnegassapput imaluunniit imm. 6.4 aamma imm. 6.5 malillugu isumaqatigiissuteqarnermik illup silataanut aaneqarfissaatut isumaqatigiissutigisamat inissiisoqarsinnaavoq,

Paamiuni allaffimmiit, sulisinneqartorluunniit, Paamiuni Arsummilu anartarfiit aaneqartarnerat isumagineqartarpoq.

### **C. Tasiilaq, Sermiligaaq, Isortoq, Kulusuk, Tiniteqilaaq Kuummiullu**

Illumik piginnittut/attartortut tamarmik anartarfinnik imaartakkanik pillit kommunip katersisarnermut aaqqissuussaaniq atuisussaapput.

Anartarfiit aaneqartarnerat sapaatip akunnerata ulluini "akunnattuni" pisarpoq piffissap nal. 07.00-ip aamma nal. 12.00-ip akomanni. Ullut nalliuttut tulleriiginnartillugit nalliuttuni aamma aallertoqarsinnaavoq.

Imaarsineq aallernerlu sapaatip akunneranut pingasoriarluni pisarpoq.

Akuttussusissaaniq isumaqatigiissutip assilineru Sanarfinermut Avatangiisinullu ingerlatsivimmut nassinneqassaaq. Imaarsereerluni ingerlanneqarnerinut allagartap assilineru Sanarfinermut Avatangiisinullu ingerlatsiviup piumasaqarnera malillugu nassinneqassaaq.

### **D. Ittoqqortoormiit**

Illumik piginnittut/attartortut tamarmik anartarfinnik imaartakkanik pillit kommunip katersisarnermut aaqqissuussaaniq atuisussaapput.

Anartarfiit imaarneqartarput ataasinngornikkut, pingasunngornikkut tallimangornikkullu.

### **ILANNGUSSAQ 3.**

#### **A. Nuuk, Qeqertarsuatsiaat aamma Kapisillit**

Kapisilinni tankit katersiffiit ikkunneqassanngillat.

Qeqertarsuatsiaani nutaamik aqquusiinermi mingunnik milluaasumut kuuffiup nuuata / slanngip ikkussiviata saniani innaallagissamut 3x380V (16A) aqqummik ikkussineqassaaq, tassa mingunnik milluaat innaallagiatortumik motooreqarmat. Katersiffik kalerrisaarummik tusaaneqarsinnaasumik erseqqissumik aammalu kalerrisaarummik ikkittartumik pilerneqarsimassaaq, taamaalilluni najugaqartoq tanki katersiffiusoq 70%-imik imaqaleraangat kalerrisaarneqartassaaq.

Tankinik katersiffiliornermut innaallagissap aqqutaanik ikkussineq ilanngullugu, aserfallatsaaliuinermit aningaasartuutit aammalu innaallagissap atorineqartup ingerlaneranut aningaasartuutit illumik piginnittumit isumagineqassapput.

Qeqertarsuatsiaani tankinik katersiffiusunik aammalu anartarfinnik kuutsittakkanik pilersitsinermi makku siunnersuutigineqarput:

- anartarfiit kuutsinneqarnerminni imermik atuinikitsut ikkunneqarnissaat
- anartarfimmut imermik aqquusiineq immikkut ruujorilernerneqassasoq, taamaalilluni illumi erngup aqqutaanik allanik matusinertaqanngitsumik matusinnaanngortillugit
- ventiilit magnetillit atorineqassasut

#### **ILANGUSSAQ 4. Tankit katersuiffiit imaarneqartarnerannut sumiiffinni malittarisassat**

##### **A. Nuuk aamma Qeqertarsuatsiaat**

Nuummi tankit katersuiffiit illumik piginnittunit/attartortunit namminneg imaarsisartunik milluaatilinnik isumaqatigiissuteqarnermikkut imaarneqartarnissaat isumagisussaavaat. Imaarsinermut akiliut illumik piginnittut/attartortut ataasiakkaat sullissisullu akornanni akilerneqartassaaq.

Qeqertarsuatsiaani tankit katersuiffiit kommunip aaqjissuussineranut atatillugu imaarneqartassapput.

##### **B. Paamiut aamma Arsuuk**

Nuummi tankit katersuiffiit illumik piginnittunit/attartortunit namminneg imaarsisartunik milluaatilinnik isumaqatigiissuteqarnermikkut imaarneqartarnissaat isumagisussaavaat. Imaarsinermut akiliut illumik piginnittut/attartortut ataasiakkaat sullissisullu akornanni akilerneqartassaaq.

Anartarfinneersut imaarneqartarnerat taamaallaat imaarsivissanut piusunut pisinnaavoq aamma Sanarfinermut Avatangjisinullu ingerlatsivik siumut isumaqatigineratigut.

##### **C. Tasiilaq, Sermiligaq, Isortoq, Kulusuk, Tiniteqilaaq aamma Kuummiut**

Tasiilami, Kulusumi aamma Kuummiuni:

Illunik piginnittut/attartortut tamarmik tankinik katersuiffinnik pigisaqartut kommunip imaarsisarnermut aaqjissuussaanik atuissapput.

Anartarfinnut tankit Kommuneqarfik Sermersuumit, sullissinissamut akuerisamik isumaqatigiissuteqarluni, imaarneqartarnissaat ingerlanneqartarpoq. Illut ataasiakkaat suliffeqarfiillu kommunimut akiliutissaq minnerpaaffissatut aalajangersagaq aallaavigalugu akiliisassapput aamma tankinik imaarsisarnerit amerlassusii tankillu angissusii malillugit.

Tankit elektroniskimik pumpeqassapput silakkut ikkittartunik aamma slangeqassapput milluaammut inuutinngitsumik.

Roorujorit nunamut kuutitsisinnaajunnaarlugit ikkunneqarsimassapput.

## **ILANNGUSSAQ 5. Akiliisarfissat akillu sumiiffinni malittarisassat**

### **A. Nuuk, Qeqertarsuatsiaat aamma Kapisillit**

Kvartalimut akiliisoqartassaaq.

Akiliutit allannguuteqartillugit, nutaamik ilannguttut unitsitsillu ilanngullugit, akip iluarsissutaata annertussusia akiliiffissami tullermi ulloq akiliiffissaq aallarnerfigalugu iluarsineqartassapput, ullormiit illumik piginnittup aaqqissuineranut ilanngunneqaraniit unitsitsineraniilluunniit.

### **B. Paamiut aamma Arsusuk**

Anartarfinnik imaarsinerit amerlassusii tunngavigalugit illumik piginnittut/attartortut akiliuteqartassapput. Tankinik katersuiffinnik imaarsinerit nammineq isumagisassaavoq, takuuk ilanngussaq 4 Tankit katersuiffiit sumiiffinni imaarneqartarnerannut malittarisassat.

Nuukkallarnermi anartarfiit imaarneqartarnissaat unitsinneqarsinnaanngilaq, sulinngiffeqarnermi il.il. sapaatit akunneri 12-it imaluunniit inorlugit sivilisussuseqarsimappat. Ilanggunermik nalunaartut unitsitsisullu sapaatit akunneri 12-it sinnerlugit ataani allassimasoq malillugu akiliisneqassapput.

Nalinginnaasumik qaammatikkuutaartumik akiliisitsisoqartarpoq.

Ilanggunermik nalunaartut nutaat unitsitsisullumi piffissami akiliiffissami nalunaaruteqartut minnerpaamik qaammatip aallartinneranut imaluunniit qaammatip 15.-ianut ullunik 14-inik siumut nalunaarutigineqartassapput. Qaammatip 15.-iani ilanggunermik nalunaaruteqartut unitsitsisullu taamaalillutik ilai piffissaq akiliuteqarfigisassaat ullunik 14-inik sivikillineqarsinnaavoq.

### **C. Tasiilaq, Sermiligaq, Isortoq, Kulusuk, Tiniteqilaq aamma Kuummiut**

Kvartalikkaartumik akiliisitsisoqartarpoq.

Kvartalip ingerlanerani allannguisoqartillugu kvartalip tulliata aallartinnerani aningaasartai atuutilersinneqartarput.

### **D. Itoqqortoormiit**

Kvartalikkaartumik akiliisitsisoqartarpoq.